

REFERAT MIA - Meeqqanut, Ilaqutariinnut Atuartitaanermullu Ataatsimiititaq d. 29-01-2026

Mødedato Torsdag d. 29. januar 2026 kl. 19:00

Mødested Kommunalbestyrelsen's ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	6
Inatsisartut Ombudsmandiannit kiisalu Isumaginninnermi Naammagittaalliuuteqartarfimmit saaffig	8
Kommuneqarfik Sermersuumi 2025-mi angerlarsimaffimmi paarsisarnermik aaqqissuussanik nakki	11
Kommuneqarfik Sermersuumi 2025-mi meeqqeriviit namminersortut nakkutilliiffigineqarneri pillu	14
2025-mi ulluunerani neqeroorutitut nakkutilliineq pillugu ilisimatitsissut.....	16
Ilaqutariinnut meerartalinnut isumaginnittoqarfik aqqutigalugu inissianik tunniussineq.....	19
Meeqqanik inersimasunillu sunngiffimmi atuartsineq 2025-2026.....	22
Pinaveersaartitsinermut Ataatsimiititaliap 2026-mut iliuusissatut pilersaarutaa pillugu ilisimatitsissit	25
Kommuneqarfik Sermersuumi 2026-mi ukioq manna timersortartunut kajumissaasiinerit.....	28
10. klassimi suliffeqalernissamut sungiusarfimmik misiligummik aaqqissuussinermut immikkut ittu	30
Ukiumi atuarfiusumi 2026/2027-mi atuarfinni atuangiffeqarfissatut pilersaarutitut siunnersuut.....	34
Tasiilami naluttarfik.....	37
Sunngiffimmi klubbinut immikkoortumut pilersaarut.....	39
Kommuneqarfik Sermersuumi siunissami immikkut ittumik atuartsineq pillugu periusissiaq.....	42
Atuarfiup nutaap immikkoortortaalu marluk atissaannik unammisitsineq.....	45
Lukket.....	47
Lukket.....	48
Lukket.....	49
Tamalaat.....	50
Imaqarniliap akuerineqarnera.....	52

Punkt .: Saqqaa

Ilaasortat

Poul Petersen (D), siulittaasoq

Arnanguak Steenholdt (IA)

Ida Julie Andersen (IA)

Doris J. Jensen (S)

Laura Tãunajik Uitsatikitseq (S)

Beslutning

Ataatsimeeqataasut

Poul Petersen (D), siulittaasoq

Arnanguak Steenholdt (IA)

Ida Julie Andersen (IA)

Doris J. Jensen (S)

Attaveqaatigut peqataavoq

Laura Tãunajik Uitsatikitseq (S)

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Meeqqanut Atuarfeqarnermullu Ingerlatsivik:

- ASK aamma USK matneri pissutaallutik illoqarfimmi AKO-it atuarfiugallarput. Tamatuma kinguneraa, 1. klassingortussat AKO-miittalernerat ukioq manna pisinnaajunnaarnera. AKO-mi aallartinnissaq juulip aallaqqaataani pisinnaassaaq. Naatsorsuutigineqarpoq, tamanna utaqqisuni allattorsimasuutitut sunniuteqarallassaq, meeqquerivimmiummi AKO-mut nuussinnaanngikkallartussaapput, taamaalillunilu meeraaqquerivimmiut meeqquerivimmut nuunneqarnissaannut inissaqartinneqanngikkallarlutik. Taamaattorli meeqquerivimmi inissaateqalaarneq pissutigalugu meeraaqquerivimmiunut inissaqartitsisoqalaarluni. Pissutsinut ingerlatsivimmiit malinnaasoqarpoq.
- Ataatsimiititami ataatsimiinneq una pisortap ataatsimiinnera kingulliuvoq. Ullumikkut suliniutaasut pingasut annertuut saqqummiunneqarnerisa nalaani taamaatissinnaanera nuannaarutigaa; tassa Immikkut suliasaqarfimmut periusissiorneq, Klubbit pillugit immikkoortumut pilersaarut aamma Suliffeqalernissamut sungiusarfimmut immikkut akuersissummik qinnuteqarneq. Taamaattumik periarfissaq una atorlugu ataatsimiititami suleqatigiilluarnerput pillugu qujarusuppunga sulilluarnissassinillu kissaallusi.

Meeqqanut Ilaqutariinnullu Ingerlatsivik:

- CRF-imi Suliniuteqarfimmi immikkoortortami aqutsisuni sisamaasuni pingasut 2026-mi februaarip aallaqqaataani aallartissapput.
- Suliniuteqarfimmi Chefpsykologi 2026-mi marsip aallaqqaataani aallartissaaq.
- Paamiuni angajoqqaarsianut aqutissiuussisoq aamma ilaqutariinnut aqutissiuussisoq 2026-mi februaarip aallaqqaataani aallartissapput.

Punkt 1: Inatsisartut Ombudsmandiannit kiisalu Isumaginninnermi Naammagittaalliuuteqartarfimmit saaffiginnissutit naatsorsorneqarnerat pillugu ilisimatitsisut

Beslutning

Ilisimatitsissut tusaatissatut tiguneqarpoq.

Bilag

2025-mi naammagittaalliuutit pillugit takussutissiaq

Inatsisartut Ombudsmandiannit kiisalu Isumaginninnermi Naammagittaalliuuteqartarfimmit saaffiginnissutit naatsorsorneqarnerat pillugu ilisimatitsisut

Ilisimatitsisut

SagsID.: EMN-2023-04309

Meeqqanut Ilaqutariinnullu Ingerlatsivik – pisortaq Frederik Lundblad / FREL

Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu

Ataatsimiititamut inassuteqaatigineqarpoq:

1. ilisimatitsisut tusaatissatut tiguneqassasoq

Suliamik saqqummiussineq

Kommuneqarfik Sermersuumi oqartussaaffeqarfinnut sullissinnermi kommunimilu innuttaasunut kiffartuussinnermut atatillugu pingaaruteqarpoq, sullissinnermi innuttaasut takuneqarnissaat, tusaaneqarnissaat paasineqarnissaallu. Isumaginninnermi Naammagittaalliuuteqartarfiup aamma Inatsisartunut Ombudsmandip saaffiginnissutigisartagaat suliaapput innuttaasut kommuniq sullisineranut aalajangiinerannulluunniit tunngasut.

Meeqqanut Ilaqutariinnullu Ingerlatsiviup 2025-mi Isumaginninnermi

Naammagittaalliuuteqartarfimmit kiisalu Inatsisartut Ombudsmandianit saaffiginnissutigineqartut kisitsisitigut nalunaarsorpai. 2025-imi Isumaginninnermi Naammagittaalliuuteqartarfimmit naammagittaalliuutit katillugit 11-t tiguneqarput aammalu Inatsisartut Ombudsmandiannut innuttaasut saaffiginnissutaannik 13-inik Ingerlatsivimmit tiguneqarput.

Tamakku saniatigut Kalaallit Nunaanni Naalagaaffiup Sinniisoqarfianut naammagittaalliuut ataaseq tiguneqarpoq, Folketingimmit saaffiginnissut ataaseq, tusagassiorfinniit saaffiginnissutit pingasut aammalu eqqartuussissuserisuniit saaffiginnissutit arlaqartut, pingaartumik allagaatinik takunninnissamut apeqquitasut.

Isumaginninnermi Naammagittaalliuuteqartarfik

Isumaginninnermi Naammagittaalliuuteqartarfimmit suliat ilaatigut naammagittaalliuutit arlaqartut pineqarput aammalu meeraq ataaseq pillugu uteqqiattumik nukingisaarutit. Suliaq ataaseq ingerlatsivimmut allamut tunniunneqarpoq, tassami meeraq pineqartoq piffissap ingerlanerani inersimasunngormat. Suliaq alla kommunimut allamut nuunnermut atatillugu meerarsiaqarnermi akissarsiat tunniunneqarsimanngitsut pillugit naammagittaalliuutaavoq, kingornagut aalajangiisoqarluni meerarsiaqarnermi akissarsiat piffissami killilimmut tunngasut tunniunneqassasut. Tamatuma saniatigut suliamut aalajangersimasumut tunngatillugu angerlartitsinissamut suliap paamaarunneqarnera kiisalu sullissineq pillugu naammagittaalliuuteqartoqarpoq. Tassunga tunngatillugu naammagittaalliuut itigartitsissutigineqarpoq, kisiannili peqatigitillugu eqqaaneqarpoq inuit innarluutillit pillugit immikkoortortap qanimut suleqatiginissaa pisariaqartinneqartoq. Taava aamma meeqqat marluk inissiiffiusumut nutaamut nuutsinneqarnerat naammagittaalliuutigineqarpoq. Naggataatigut aningaasatigut taarsiiffigineqarnissamut qinnuteqaammik ingerlatsivik tigusaqarpoq. Qinnuteqaat taanna itigartitsissutigineqarpoq, tassami kommune suliamut tunngasumi akisussaataitaanngimmat.

Inatsisartunut Ombudsmandi

Saaffiginnissutini ilaatigut pineqarput angerlartitsinnermut pillugit suliat, kingornatigut naammassineqartut, aammalu suliat Ombudsmandimit isornartorsiorneqartut, kingornatigullu

naamassillugit matuneqartut. Aamma ikorfartorti pillugu saaffiginnissutit akineqarneq ajornerat pillugu saaffiginnissuteqartoqartarpoq, tamakkulu kingusinnerusukkut akuerineqarput. Sullissineq pillugu naammagittaalliuuteqartoqarmat Kommuneqarfik Sermersuumiit kukkusoqarsimasoq nassuerutigineqarpoq, aammalu siunissami sullissinerup siunnerfilimmik pitsanngortinneqarnissaa ingerlatsivimmiit sulissutiginiarneqarpoq. Tamatuma saniatigut Ombudsmandimit paarsinermut atatillugu akissarsiat qaffannissaannut naammagittaalliuut suliarineqarpoq, taannalu itigartitsissutigineqarpoq, aammalu ulloq unnuarlu angerlarsimaffimmut nuutsitsinissamik qinnuteqaat. Kiisalu najortigiinnermi killiffissiuinermik amigaateqarneq pillugu suliaq suliarineqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Inatsisartut meeqqat tapersorsorneqarnissaannut inatsisaat nr. 20, 26. juuni 2017-imeersoq
- Pisortat ingerlatsineranni suliasat suliarineqartarnerat pillugu Inatsisartut inatsisaat nr. 8, 13. juuni 1994-imeersoq

Ilangussaq

1. 2025-mi naammagittaalliuutit pillugit takussutissiaq

Punkt 2: Kommuneqarfik Sermersuumi 2025-mi angerlarsimaffimmi paarsisarnermik aaqqissuussanik nakkutilliineq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Arsuk

Isertoq

Kapisillit

Kulusuk

Kuummiit

Qeqertarsuatsiaat

Sermiligaaq

Tiileriliaaq



Kommuneqarfik Sermersuumi 2025-mi angerlarsimaffimmi paarsisarnermik aaqqissuussanik nakkutillineq pillugu ilisimatitsissut

Ilisimatitsissut

SagsID.: EMN-2025-03594

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20. novembari 2023-meersumi § 42 malillugu, kommunalbestyrelsi ulluunerani neqeroorutinik tamanik nakkutilliusussaavoq. 2025-mi februaarimi Arsummi, Kapisilinni, Qeqertarsuatsiaani Isertumi, Kulusummi, Kuummiini, Sermiligaami Tiilerilaamilu angersimaffimmi paarsisarnermik aaqqissuussanut nalinginnaasumik nakkutilliarthorneq pinikuuvoq.

Nakkutillinerimi paasinarsivoq, meeqqat ingerlalluarnissaannut, toqqissisimanissaannut qanittumillu attaveqarsinnaanissaannut aalajaatsumik sullissineq ingerlasoq. Sulisut tunniusimasuupput, meeqqallu ulluinnarni toqqissisimarpasillutik. Ajornartorsiutaasartut assigiiaartut nakkutillinerimi malunnarpoq, pingaartumik illutaasa qanoq issusii eqqarsaatigalugit, aserfallatsaaliisoqarneq ajortoq atorsinnaasallu killeqartut. Amerlanerni internetsimut attavilunneq atuuppoq kommunillu qarasaasiaatai naammaginatik, taamaattumillu takussutissaliornissaq malitassanik suliaqarnissaq allaffissorniarnertu ajornakusoorlutik.

Aammattaaq malunnarpoq, upalungaarsimanermut pilersaarutit, nerisaqarnermut politikki nammineerluni nakkutilliniissamut periusissanut eqqiluisaarnermullu tunngasut ilisimasaqarfignuarnissaannut pitsanngorsaasoqartariaqartoq. Angerlarsimaffimmi paarsisarnermik aaqqissuusanik arlalinni takkuttarnermi napparsimasunillu aaqqissuussaasumik nalunaarsueriaaseqarneq kiisalu nakkutilliarthortoqareernerani malinnaaffiginnittarneq amigartumik ingerlanneqarput, tamakkulu ilaatigut sulisoqarnikkut ajornartorsiuertarnermik qarasaasiamillu atuisinnaanerup killeqarnerannik tunngaveqartarput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20 novembari 2023-meersoq.

Ilanngussaq

1. Arsuq
2. Isertoq
3. Kapisillit
4. Kulusuk



5. Kuummiit
6. Qeqertarsuatsiaat
7. Sermiligaaq
8. Tiilerilaaq

Punkt 3: Kommuneqarfik Sermersuumi 2025-mi meeqqeriviit namminersortut nakkutilliiffiqineqarneri pillugit ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Mikisoq

Sulunnguit

Esther Børnehave



Kommuneqarfik Sermersuumi 2025-mi meeqqeriviit namminersortut nakkutilliiffiqineqarneri pillugit ilisimatitsissut

Ilisimatitsissut

SagsID.: EMN-2025-03592

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut figuneqassasoq

Suliassamik saqqummiussineq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20. novembari 2023-meersumi § 42 malillugu, kommunalbestyrelse ulluunerani neqeroorutit tamanik nakkutilliisussaavoq. Meeqquvinni namminersortuni nakkutilliinerit 2025-mi maajimi ingerlanneqarput, taakkunanilu pineqarput Meeqquvivi Mikisoq, Meeqquvivi Sulunnguit aamma Esther Børnehav.

Nakkutilliinerit takutippaat meeqquvinni patajaatsumik aamma meeqqat nalerisimanissaat, toqqissisimanissaat ineriartornissaallu pillugit perorsaanikkut anguniagaqarlutik sulisoqartartoq. Piffissami killilimmi erngup innarliinerata kingorna illu nutarterneqartariaqarneranit Mikisoq unammilligassaqsarimavoq. Sulunnguini patajaatsumik sulisoqarlunilu kulturikkut kinaassuseq ersarissumik ukkatarineqarpoq. Esther Børnehavemi perusuersartarfinni oquttoqarnera paasineqsarimavoq, tamannalu meeqquvimmitt nammineerluni malitseqartinneqarpoq.

Ingerlatsivimmit aningaasatigut sulisoqarnikkullu naliliinerit

Ingerlatsivimmit ataatsimoortumik meeqquviviit taakku pingasut inatsisunik naammassinnittut aammalu aqutsisoqarnikkut sulisoqarnikkullu tunniusimasunik toqqammaveqarluartut nalilerneqarpoq. Esther Børnehavemi illup qanoq issusaa malinnaaffiqineqartariaqarpoq taamatuttaaq meeqquvinni pingasuusuni tamani allaffissornikkut uppersarsaasiortarneq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersarsaatillit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20. novembari 2023-meersoq.

Ilanngussaq

1. Mikisoq
2. Sulunnguit
3. Esther Børnehav

Punkt 4: 2025-mi ulluunerani neqeroorutitut nakkutilliineq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Annersuaq

Apisseq

Dr. Ingrid

Maligiaq

Meeqqat

Meeraq

Mike

Mikisoq

Muku

Nuka

Nukariit

Naasut

Pingajeqqad

Puiaq

Paannaat

Paarsisoq

Paarsisor

Qivioq

Sikkersoq

Soralu

Tikiusaaq

Timmiaaqqat

Umiaq

Uiloq

Ungaavaraq



2025-mi ulluunerani neqeroorutitut nakkutilliineq pillugu ilisimatitsissut

Kommuneqarfik Sermersuumi kommunip meeraaqqeriviinik, meeqqeriviinik akuleriinnullu meeqqerivinnik tamanik nakkutilliineq

Ilisimatitsissut

SagsID.: EMN-2025-03593

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Innersuussut

Meeqqanut Atuarfeqarnermullu Ingerlatsivimmit Meeqqanut Ilaqtariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20. novembari 2023-meersumi § 42 naapertorlugu, kommunalbestyrelse ulluunerani neqeroorutit tamanik nakkutilliisussaavoq. Ingerlatsivimmit meeqqerivinnik tamanik nakkutilliisoqarpoq, matumuunalu ataatsimut isigalugit takusimasat malinnaaffigineqartussallu saqqummiunneqarput. Nakkutilliinermut nalunaarusiat ilanngussaniippot.

Nakkutilliinermut ataatsimut isigalugu ersersinneqarpoq, paaqqinnittarfiit tunniusimallutik perorsaanikkut suliassat sularisaraat aamma meeqqat nalerisimaarnissaat ukkatarisaraat. Sulisoqarneq pillugu politikkimut, aallartisarnermut, nerisaqarnermut politikkimut, eqqiluisaarnermut periutsit aamma tammaarsimaarnermik suliaqarneq nalinginnaasumik ingerlalluarpot. Paaqqinnittarfiit amerlanerit sulisut takkuttarnerat nalunaarsortarpaat aamma isumassuineramik napparsimallunilu sulinngittarneq pillugit oqaloqatigiinnerit malittarisassat naapertorlugit ingerlattarpaat.

Taamaattorli aamma unammilligassat sunniuteqarnerusut arlallit, pingaartumik inissatigut atugassarititaasunut tunngasut nakkutilliinermut uparuarneqarput. Pinnguartarfiit arlallit nungullarsimasutut isikkoqarput amigartumilluunniit aserfallatsaaliorneqarsimallutik, taamaalillutillu sukkinissamat aarlerinaateqalersitsippot, aamma ungaluusat portussusaat naammanngillat matuillu isumannaatsumik matusinnaanatik. Paaqqinnittarfiit ataasiakkaat misigaat, igalaat ussiitsut sinittarfiillu naammanngitsumik kissassinnaasut. Arlallitsigut iluarsaanissaq aserfallatsaaliuinissarluunniit pillugit suliassat suliakkiutigineqarsimappot, sulili sularineqaratik. Pisariaqartinneqarpoq, meeqqanut isumannaatsuutitsinissaq qulakkeerniarlugu atukkat tamakku salliutinneqassasut.

Aammattaaq nakkutilliinerit ersersippaat, paaqqinnittarfiit ilaasa nakkutilliisimanermut innersuussutit aqqissuussaasumik malittarineq ajoraat, aamma nalunaaruteqarnermut immersugassaq tamatigut atortanngikkaat. Paaqqinnittarfinni sulisussaaleqisoqarnerani ineriartornissaq pillugu sulisunik oqaloqatiginninnerit ingerlannissaannik unammillernartoqartoq maluginiarneqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit



- Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20 novembari 2023-meersoq.

Ilanngussaq

1. Annersuaq
2. Apisseq
3. Dr. Ingrid
4. Maligiaq
5. Meeqqat
6. Meeraq
7. Mike
8. Mikisoq
9. Muku
10. Nuka
11. Nukariit
12. Naasut
13. Pingajeqqad
14. Puiaq
15. Paannaat
16. Paarsisoq
17. Paarsisor
18. Qivioq
19. Sikkersoq
20. Soralu
21. Tikiusaaq
22. Timmiaaqqat
23. Uiloq
24. Umiaq
25. Ungaavaraq

Punkt 5: Ilaqutariinnut meerartalinnut isumaginnittoqarfik aqqutigalugu inissianik tunniussineq

Beslutning

Ilisimatitsissut tusaatissatut tiguneqarpoq.



Ilaqutariinnut meerartalinnut isumaginnittoqarfik aqputigalugu inissianik tunniussineq

Isumaginnittoqarfik aqputigalugu inissiat 24-t 1. februaari 2026 aallarnerfigalugu tunniunneqassapput

Ilisimatitsissut

SagsID.: EMN-2020-28184

Meeqqanut Ilaqutariinnullu Ingerlatsivik – pisortaq Frederik Lundblad / FREL

Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamat inassuteqaatigineqarpoq:

1. Ilisimatitsissut tusaatissatut tiguneqassasoq.

Suliamik saqqummiussineq

Juuni 2025-mili Meeqqanut Ilaqutariinnullu Ingerlatsivik meeqqat amerlanerit angajoqqaaminnut angerlarteqqinneqarnissaat pillugu siunnerfilimmik sulissuteqarpoq. Suliami tassani aallaavigineqarpoq Meeqqanut Ilaqutariinnullu politikki nutaaq aammalu borgmesterip aamma Meeqqanut, Inuusuttunut Ilaqutariinnullu Naalakkersuisup akornanni oqaloqatigiinnerit.

Suliniimmi pineqartut tassaapput pingaartumik ilaqutariit, suliatigut naliliineq naapertorlugu meeqqaminnik angerlartitsinissamat piareersimasut. Ilaqutariit taakkua tapersersorniarlugit peqatigitillugu angajoqqaanut ikorfartuinissamik suliniutinik pisariaqartinneqartunik aallartitsisoqarpoq.

Inissatigut unammilligassat aaqqiissuteqarfiginiarlugit Meeqqanut Ilaqutariinnullu Ingerlatsivik inissiatileqatigiiffinnik Iserit A/S-imik aamma INI A/S-imik qanimut suleqateqarpoq ilaqutariinnut inissanik naleqquttunik pissarsiniarnermut atatillugu.

Piffissami juuli 2025-miit 31. decembari 2025-p tungaanut, ilaqutariit 17-it utaqqiisaasumik inissarsissunneqarput, isumaginnittoqarfik aqputigalugu ataavartumik inissarsinissamik tungaanut.

Piffissami juuli–decembari 2025-imi ilaqutariit arfineq marluk isumaginnittoqarfik aqputigalugu ataavartumik inissaminnik tunineqarput iserterfigalugillu. Ilaqutariit sinneruttut sulii utaqqiisaasumik ineqartinneqarput.

Decembari 2025-imi Iserit A/S isumaginnittoqarfik aqputigalugu inissianik katillugit 24-nik 1. februaari 2026 aallarnerfigalugu inigineqalersussanik periarfissiissuteqarpoq.

Taamatut inissamik aaqqiissuteqarneq ataavartumik inissiaateqannginnermik ilungersunartua aaqqiiffineqarpoq. Ilaqutariit utaqqiisaasumik sulii ineqartinneqartut, 1. februaari 2026 aallarnerfigalugu namminneq ataavartumik inigisassaminnut isertersinnaalissapput.

Tamanna ilaqutariinnut patajaatsumik sinaakkuteqalernissamat periarfissiivoq aammalu meeqqat angajoqqaallu ataatsimoortinneqarnissaannik sulinerit iluaqutaassalluni.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.



Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Meeqqanut ikorfartuineq pillugu Inatsisartut inatsisaat nr. 20, 26. juni 2017-imeersoq
- Kommuneqarfik Sermersooq-mi inissianut isumaginninnermut tunngasunut innersuussinermut malittarisassat

Ilanngussaq

Soqanngilaq.

Punkt 6: Meeqqanik inersimasunillu sunngiffimmi atuartitsineq 2025-2026

Beslutning

Ilisimatitsissut tusaatissatut tiguneqarpoq.

Bilag

Sunngiffimmi atuartitsineq - Fritidsundervisning 2025-2026



Meeqqanik inersimasunillu sunngiffimmi atuartitsineq 2025-2026

Ilisimatitsissut

SagsID.: EMN-2025-03500

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaatit

Meeqqanut Atuarfeqarnermullu Ingerlatsivimmit Meeqqanut Ilaqtariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Meeqqanut Atuarfeqarnermullu Ingerlatsivimmit Kommuneqarfik Sermersuumi sunngiffimmi atuartitsineq pillugu suliassaarfimmi sammisassat pillugit ukiumoortumik Kommunalbestyrelsimut ilisimatitsissuteqartoqartarpoq.

Sunngiffimmi atuartitsineq Kommuneqarfik Sermersuumi tamarmi neqeroorutaavoq, 2025-mi septembarimiit, atuartitsinissamat periarfissalinnut, 2026-mi juunimut ingerlanneqassallutik. Nutaaliornermut, nipilersornermut suliassanullu tunngasunik faginik neqerooruteqartoqartarpoq, tassunga ilanngullugit iganeq, mersorneq, assassorneq, sananeq, qitineq marriornerlu aamma kulturimut tunngasunik aaqjissuussat allat.

Meeqqanut holdinut peqataaneq akeqanngilaq, Nuummilu inersimasut peqataanissamat 100 kooruninik akiliisarlutik.

2025-mi inersimasunik atuartitsinermut akileeriaaseq nutaaq atuutilersinneqarpoq, tassunga tunngatillugu peqataanissamat akiliisarneq akiligassiissuteqarnikkut pisalerpoq, tamannalu allaffissornikkut sulinermik annikillisaasimavoq.

Meeqqat holdiinut peqataanissamat nalunaartartut amerlasoorujuusarput, hold-illu arlallit ulikkaartarlutik utaqqisunik allattorsimaffinnut allatsittoqartarluni. Nuummi peqataanissamat nalunaarnissamat unammilligassanik misigisaqartoqarneq ajorpoq. Tasiilami inersimasunut sunngiffimmi atuartitsinermut neqeroorutinik pilersitsinissaq unammillernartoqarpoq, innuttaasut akornannit hold-inik kissaateqartoqarsimanngimmat siunnersuusiortoqarsimananilu.

Nuummi peqataanissamat nalunaarfissaq Speedadmin digitaliusoq atorneqarpoq, illoqarfinni nunaqarfinnilu allani, allaffissornikkut sulinerup nalunaartarnerullu assigiilernissaat siunertaralugu Speedadmin siaruarternissaa sulissutigineqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juuni 2016-imeersoq



Ilangussat

1. Sunngiffimmi atuartsineq – Fritidsundervisning 2025-2026

Punkt 7: Pinaveersaartitsinermut Ataatsimiititaliap 2026-mut iliuusissatut pilersaarutaa pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Handlingsplan for 2026 - Nuuk Forebyggelsesudvalg

Pinaveersaartitsinermut Ataatsimiititaliap 2026-mut iliuusissatut pilersaarutaa pillugu ilisimatitsissut

Ilisimatitsissut

SagsID.: EMN-2025-03459

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaatit

Meeqqanut Atuarfeqarnermullu Ingerlatsivimmit Meeqqanut Ilaqtariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Peqqinnissaqarfiup aqunneqarnera, aaqqissuussaana kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. novembari 2010-meersoq § 5 aamma Najukkani pinaveersaartitsinermut ataatsimiisitaliat pillugit Namminersornerullutik Oqartussat nalunaarutaat nr. 18, 18. maaji 2001-meersoq malillugit illoqarfinni tamani pinaveersaartitsinermut ataatsimiititaliamik pilersitsisoqassaaq. Ataatsimiititaliaq siunnersuisartutut atuuffeqarlunilu ukiumoortumik iliuusissatut pilersaarummik, kingusinnerpaamik Paarisamut 1. novembarimi, nassiussassamik suliaqartassaaq.

Nuummi 2026-mut iliuusissatut pilersaarut: Nuummi Pinaveersaartitsinermut Ataatsimiititaliaq 2026-mut iliuusissatut pilersaarusiortoq. Ataatsimiititaliaq aalajangersimasunik pinaveersaartitsinermik suliniutinik periusissianillu ineriartortitsinermi annertunerusumik siunnersiueqatigineqartartutut siunnersuisutullu atorneqartalerusuppoq. Pingaartinneqarnerupput atuutilersitsiniarnissamut ukkataqarnissamut annertunerusumik suliaqarnissaq kiisalu sunniutaasimasunik uuttortaasarnermik ineriartortitsinissaq siunnessami suliniutinut tapersersuutaasinnaasunik. Ataatsimiititaliamit suliniutinut allattorsimaffik atuussimasoq sulinermi atorneqarunnaarsimammat atorunnaarsinneqarnissaa aalajangerneqarpoq, pitsaaliuineq kommunimi siammasissumik atuutsinneqarmat.

Tasiilaq: Siulittaasoq ernineq pillugu sulingiffeqarsimammat ataatsimiititaliami sulineq uninngasimavoq. 2026-mut iliuusissatut pilersaarusiortoqanngilaq. Ataatsimiititamit Pinaveersaartitsinermut ataatsimiititaliami Politiinilu najukkami siunnersuisooqatigiinni ilaasortat assigiimmata kattunneqarnissaat kissaatigineqarpoq.

Paamiut: Suli Pinaveersaartitsinermut ataatsimiititaliamik suliaqartartumik pilersitsisoqanngilaq. Politiini Peqqinnissaqarfimmilu sulisut taarseraannerujussuisa kingunerisaanik nutaamik ataatsimiititaliamik aallartitsinissamut ajornakusoortisivoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Najukkani pinaveersaartitsinermut ataatsimiisitaliat pillugit Namminersornerullutik Oqartussat nalunaarutaat nr. 18, 18. maaji 2001-imeersoq
- Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. novembari 2010-meersoq

Ilanngussat

1. Handlingsplan for 2026 – Nuuk Forebyggelsesudvalg

Punkt 8: Kommuneqarfik Sermersuumi 2026-mi ukioq manna timersortartunut kajumissaasiinerit

Beslutning

Ilisimatitsissut tusaatissatut tiguneqarpoq.

Bilag

Siulittaasup ilisimatinneqarnera ullulerlugu atsiorneralu

2. Kommuneqarfik Sermersuumi 2026-mi ukioq manna timersullammattut innersuunneqartut



Kommuneqarfik Sermersuumi 2026-mi ukioq manna timersortartunut kajumissaasiinerit

Siulittaasup aalajangiinera pillugu ilisimatitsissut

Ilisimatitsissut

SagID.: EMN-2025-03829

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut, Ilaqutariinnut Atuartitaanermullu Ataatsimiititamat inassuteqaatigaa:

1. ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersooq illoqarfinni tamani 6. januaari Timersortartunut ulloqartitsivoq. Timersortartut ulluat Sunngiffimmi kulturimilu immikkoortortamit aaqqissuunneqarpoq, tassunga ilaalluni GM-imi ajugaasimasut diplominnatsinneqarlutik kiisalu Ukioq manna timersortartunik kajumissaasiisoqarluni.

Innuttaasut tamarmik kajumissaaserneqartussanik innersuussinissaminnut periarfissaqarsimapput kommunip nittartagaa, inuit internetikkut attaveqatigiittarfiisigut aamma toqqaannartumik Timersoqatigiit peqatigiiffiitut saaffiginninnerit aqputigalugit. Illoqarfinni tamani suleqatigiissitani innersuunneqartunut attuumassuteqanngitsunik pilersitsisoqarpoq. Suleqatigiissitat taakkua innersuussutiniq misissuipput kajumissaaserneqartussanillu innersuussillutik.

”Ukioq manna 2026-mi timersullammattut innersuunneqartut” kajumissaaserneqartussatut innersuunneqartut ilanngussami allaqqapput.

Ingerlatsivimmit aningaasatigut sulisoqarnikkullu naliliinerit

Kajumissaasiinernut aningaasanik immikkoortitsisoqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juuni 2016-imeersoq

Ilanngussat

1. Siulittaasup ilisimatinneqarnera ullulerlugu atsiorneralu
2. Kommuneqarfik Sermersuumi 2026-mi ukioq manna timersullammattut innersuunneqartut

Punkt 9: 10. klassimi suliffeqalernissamut sungiusarfimmik misiligummik aaqqissuussinermut immikkut ittumik akuersissuteqarneq

Beslutning

Inassuteqaat akuersissutigineqarpoq.

Bilag

Suliniutip allaaserineqarnera. Atuaqatigiit suliffeqalernissamut sungiusarfiat. Kommuneqarfik Sermersooq.
Saqqummersitaq 17.11.25

Immikkut ittumik akuersissummik qinnuteqaat. Saqqummersitaq 17.11.25



10. klassimi suliffeqalernissamut sungiusarfimmik misiligummik aaqqissuussinermut immikkut ittumik akuersissuteqarneq

Aalajangiiffigisassaq

SagsID.: EMN-2022-05247

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqtariinnut Atuartitaanermullu Ataatsimiititamut inassuteqaatigineqarpoq:

1. 10. klassimi suliffeqalernissamut sungiusarfimmik misiligummik aaqqissuussinermut immikkut ittumik akuersissummik qinnuteqaammik nassiussineq akuersissutigineqassasoq
2. Kultureqarnermut, Timersornermut Ilageeqarnermullu Naalakkersuisoqarfimmik akuersissutigineqarnissaa piumasaqaatigalugu misiligummik aaqqissuussineq ukiuni tallimani ingerlanneqartussatut pilersinneqassasoq
3. Meeqqanut Atuarfeqarnermullu Ingerlatsivimmiit suliffeqalernissamut sungiusarfimmi suullit aallartinneqarnissaannut ineriartortitsinerit suliaqarnerillu pisariallit aallartinneqassasut

Suliassamik saqqummiussineq

Meeqqanut, Ilaqtariinnut Atuarfeqarnermullu Ataatsimiititaasimasup ulloq 7. septembari 2022-mi ataatsimiinnermini akuersissutigaa, Meeqqanut Atuarfeqarnermullu Ingerlatsivimmit Atuarfik pillugu Inatsisartut inatsisaat nr. 15, 3. decembari 2012-imeersumit aalajangersakkanit arlalinneersunit immikkut akuersissummik qinnuteqaasiortoqassasoq. Matumani Kommuneqarfik Sermersuumi suliffeqalernissamut sungiusarfimmik pilersitsinissaq siunertaralugu.

Suliffeqalernissamut sungiusarfik immikkut ittumik perorsaanikkut neqeroorutaangilaq kisiannili nalinginnaasumik 10. klassimi atuartunut atuartsinerup suliaqarnermut sammisuunerunissaanut pisariaqartitsisunut periarfissaasinnaavoq. Atuarfik pillugu inatsimmi § 28 naapertorlugu aaqqissuussami immikkut ittumik akuersissuteqarnissaq piumasaqaataavoq tassunga pissutigalugu nalinginnaasumik meeqqat atuarfiini atuartsissutinit, aaqqissuussaanerinit misilitsitseriaatsiniillu sanioqqutitsinerunera.

Immikkut ittumik akuersissummik qinnuteqaat atuarfik pillugu inatsimmi § 13-imi atuartsissutinik atuuttunik aamma § 14-imi ilikkagassatut pilersaarutinik kiisalu meeqqat atuarfianni inaarutaasumik naliliisarneq pillugu Namminersornerullutik Oqartussat nalunaarutaat nr. 3, 9. januaari 2009-meersumi § 8, imm. 1-imi inaarutaasumik naliliinermut tunngasumi misilitsitsinermi malittarisassanik sanioqqutitsinerimik imaqarpoq. Qinnuteqaammi EUD10-mik isumassarsiorluni periaaseq allaaserineqarpoq, tassani atuagarsorneq annikinnerusoq sakkortusisamik atuartsinerimik, inuussutissarsiutinut sammisumik ingerlataqarnermut aamma sivisunerusumik suliffimmik misiliinermik ilaneqarpoq. Periaatsimi atuartut sulianut samminerusumik ilinniartinneqarnikkut inuusuttut ilinniarsiinut ikaarsaariarnerinik pitsanngorsaanissaq siunertarineqarpoq.

Immikkut ittumik akuersissummik qinnuteqaat inaareersoq suliniummik allaaserinninnertaqarluni massakkut pigineqarpoq.

Suliniummik allaaserinninnermi misiligummik aaqqissuussinerup imai nassuiarneqarput tassunga ilanngullugit ilikkagassatigut aaqqissuunneqarnera, aaqqissuussaanaera, sullinniarneqartut, perorsaanikkut suleriuseq, suliffeqarfinnik suleqateqarneq, suliffimmik misiliffissanut piumasaqaatit aamma angajoqqaat suleqatigalugit atuartunik innersuussineq.



Misiligummik aaqqissuussinermi siunertarineqartoq tassaavoq nalilersuinissamut ilikkagassatigut aaqqissuussaasumillu tunngavimmik pilersitsinissaq, tamanna inatsisitigut allannguinnissamut aamma Kommuneqarfik Sermersuumi ataavartumik suliffeqalernissamut sungiusarfimmik aaqqissuussinermut aallaaviulersinnaavoq.

Meeqqanut Atuarfeqarnermullu Ingerlatsivimmit sisamanik immikkoortoqarnikkut pilersitsinissaq pilersaarusiorneqarpoq.

- Aalajangiinerup immikkoortua
- Ineriartortitsinerup immikkoortua
- Iliuuseqarnerup immikkoortua
- Ingerlatsinerup immikkoortua

Ineriartortitsinerup aamma iliuuseqarnerup immikkoortui katillugit qaammatinik 12-18-inik sivissuseqarnissaat naatsorsuutigineqarpoq aamma ilaatigut atuaqatigiit suliffeqalernissamut sungiusarfiani ilikkagassatut pilersaarutininik suliaqarnissamik, suliffimmik misiliiffissanik suleqatigiinnissamik isumaqatigiissuteqarnernik kiisalu atuartunik innersuussinernik imaqarput. Pilersitsinerup nalaani ingerlatsinermi aamma ingerlatsinermi anguniagaqassaaq taakkua misiligummik aaqqissuussinermik ingerlaavartumik nalilersuinerup ilaassapput.

Ingerlatsivimmit aningaasatigut sulisoqarnikkullu naliliinerit

Immikkut ittumik akuersissummik qinnuteqaat akuersissutigineqassappat ineriartortitsinerup aamma iliuuseqarnerup immikkoortunut 500.000 koruuninik aningaasartuutigineqartussatut missiliorneqartut nammineq missingersuutit iluanniissinnaasut ingerlatsivimmit nalilerneqarpoq.

Atuaqatigiit suliffeqalernissamut sungiusarfiat Nuummi meeqqat atuarfiani ataatsimi inissinneqarnissaa aamma atuartitsiffiusunik atortussanillu pilersinneqarsimasunik atuiffiunissaa pissutigalugu ingerlatsinerup atuarfiup aaqqissuussaanerani pioreersumi ingerlanneqarsinnaanissaa nalilerneqarpoq. Aningaasartuutaanerulersinnaasut pingaarnertut ilinniartitsisunut nukissanut atuartitsinerup aamma aningaasanut tunngassuteqarput taakkua ingerlatsivimmit tamakkiisumik ilinniartitsisunik pisariaqartitsinerup misissoqqissaarneqarneranit matussuserneqassapput.

Matumani nukissaasut iluani matussuserneqarsinnaanngippata immaqa ilinniartitsisumik ataatsimik marlunnilluunniit atorfinitsitsinissaq pisariaqalersinnaavoq. Suliffeqalernissamut sungiusarfimmi ilinniartitsisutut nukissat katillugit ukiumut ilinniartitsisut marluk sulisinnaassusiat atorneqassaaq. Tamanna ukiumoortumik 800.000 koruuninik-1.000.000 koruuninik tikillugit aningaasartuuteqarnerulernermik kinguneqassaaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Ineriartortitsinerup aamma aningaasartuutit nammineq killiliussat iluanniissinnaanerit suliassamik saqqummiussami allassimavoq. Immikkut ittumik akuersissut akuersissutigineqassappat, kommune 800.000 - 1.000.000 koruuniusunik aningaasartuuteqarnerunissamut pisussaaffilerneqassaaq. Taamaattoqassappat aningaasat taakkua 2026-mi tapiliussamik aningaasaliissutit suliarineqarnerini nassaarineqarsinnaassapput, pingaarnersieqqinnikkut imaluunniit missingersuutitigut sillimmatinit.

Inatsisitigut tunngavissaq allakkallu tunngaviumik uppernarsaatillit

- Atuarfik pillugu Inatsisartut inatsisaat pillugu Namminersorlutik Oqartussat nalunaarutaat nr. 19, 27. aprili 2023-meersoq



Ilangussaq

1. Suliniutip allaaserineqarnera. Atuaqatigiit suliffeqalernissamut sungiusarfiat. Kommuneqarfik Sermersooq. Saqqummersitaq 17.11.25
2. Immikkut ittumik akuersissummik qinnuteqaat. Saqqummersitaq 17.11.25

Punkt 10: Ukiumi atuarfiusumi 2026/2027-mi atuarfinni atuangiffeqarfissatut pilersaarutit siunnersuut

Beslutning

Inassuteqaat akuersissutigineqarpoq.

Bilag

Nuummi atuarfinnut atuangiffeqarnissamut pilersaarut 2026/2027

Qeqertarsuatsiaat Atuarfiat pillugu atuangiffeqarnissamut pilersaarut 2026/2027

Kapisillit Atuarfiat pillugu atuangiffeqarnissamut pilersaarut 2026/2027

Atuarfik Tuiisaaq pillugu atuangiffeqarnissamut pilersaarut 2026/2027

Arsuup Atuarfia pillugu atuangiffeqarnissamut pilersaarut 2026/2027

Tasiilami Alivarpia pillugu atuangiffeqarnissamut pilersaarut 2026/2027

Kuummiini Alivarpia pillugu atuangiffeqarnissamut pilersaarut 2026/2027

Kulusumi Alivarpia pillugu atuangiffeqarnissamut pilersaarut 2026/2027

Tiilerilaap Alivarpia pillugu atuangiffeqarnissamut pilersaarut 2026/2027

Isertup Alivarpia pillugu atuangiffeqarnissamut pilersaarut 2026/2027

Sermiligaap Alivarpia pillugu atuangiffeqarnissamut pilersaarut 2026/2027

Ejnar Mikkelsenila Alivarpia pillugu atuangiffeqarnissamut pilersaarut 2026/2027

Ukiumi atuarfiusumi 2026/2027-mi atuarfinni atuangiffeqarfissatut pilersaarutit siunnersuut

Kommuneqarfik Sermersuumi illoqarfinni nunaqarfinnilu tamani atuarfinnut

Aalajangiiffigisassaq

SagsID.: EMN-2026-00049

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. Kommuneqarfik Sermersuumi illoqarfinni nunaqarfinnilu atuarfinni ukiumut atuarfiusumut 2026/2027-mut atuangiffeqarfissatut pilersaarutit akuersissutigineqassasut

Suliassamik saqqummiussineq

Meeqqanut Atuarfeqarnermullu Ingerlatsivik Kommuneqarfik Sermersuumi atuarfinnut atuangiffeqarfissatut pilersaarutinik ukiumut atuarfiusumut 2026/2027-mut siunnersuusiorpoq. Kommuneqarfik Sermersuumi atuarfiit siunnersuummi atuangiffeqarnissamut pilersaarutit pillugit Namminersorlutik Oqartussat malittarisassa atuuat aallaavigineqarput.

Kommuneqarfik Sermersuumi atuarfiit atuangiffeqarnissaannut malittarisassani ima allassimavoq:

- kommunimi atuarfiit tamarmik sapaatip-akunnerani aalajangersimasumi ukiumi atuarfiusoq aallartissavaat
- ikinnerpaamik ullut atuartitsiffiit 200-t amerlanerpaamillu 240-t ingerlareersimappata kommunimi atuarfiit tamarmik ukiumi atuarneq naammassissagaat
- Nuummi atuarfiit tamarmik assigiimmik atuangiffeqarnissamik pilersaaruteqarput
- kommunimi illoqarfinni nunaqarfinnilu atuarfiit allat atuangiffeqarnertik najukkami pissutsinut ileqqorineqartullu malillugit tulluarsaallutik pilersaarusiussasut

Atuarfiit tamarmik ukiumut atuarfiusumut 2026/2027 ukiumi atuangiffeqarfissanik tusarniaaffigineqarput. Meeqqanut Atuarfeqarnermullu Ingerlatsivimmit tusarniaanermut akissuteqaatit tusaatissatut tiguneqarput, atuarfiillu ataasiakkaat namminneq kissaataat malillugit iluarsillugit, taamaalillutik ullut atuartitsiffiusut ikinnerpaamik 200-nut naapertuuttunngortillugit. Nuummi atuarfinnut ataatsimoortumik atuangiffeqarnissamut pilersaarusiortoqarpoq, atuarfiillu sinneri assigiinngitsunik, najukkami pissutsinut ileqqorineqartullu malillugit sumiiffinnut ataasiakkaanut tulluarsakkanik atuangiffeqarnissamut pilersaaruteqarlutik.

Nuummi atuarfinniit kissaat, atuartut piniariarnissaminnut periarfissinniarlugit sapaatip-akunnera 34-mi atualernissaat pillugu, naaperiaassutiginiarlugu ingerlatsivimmit kommunimi malittarisassat malillugit kommunimi atuarfiit tamarmik ukioq atuarfiusoq sapaatip-akunnerani ataatsimi ataatsikkut aallartinnissaannut tunngasoq, immikkut ittumik aalajangiiffigineqarpoq. Kommunimi atuarfiit sinneri sapaatip-akunnera 33-mi ukioq atuarfiusoq aallartinnissartik kissaatigaat.

Arfininngornikkut amerlanerpaamik ullut atuartitsiviit sisamaasinnaapput. Nuummi atuarfinni ukioq atuarfiusoq pineqartumi ullut atuartitsiviit marluk arfininngornikkut ingerlanneqassapput. Taakku 21. novembari 2026-mi aamma 6. februaari 2027-mi ingerlanneqartussatut aalajangersagaapput. Kommunimi atuarfinni allani qaqugu qanorlu amerlatigisunik arfininngornikkut atuartitsisoqassanersoq assigiinngillat.



Atuarfiit misilitsitsiffiusut misilitsinnerit tamarmik naammassippata ukioq atuarfiusoq naammassissavaat.

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq

Inatsisitigut tunngavissaq allakkallu tunngaviusumik uppernarsaatillit

- Atuarfik pillugu inatsisartut inatsisaat nr. 15, 3. decembari 2012-imeersoq
- Atuarfimi atuartut atuangiffeqartarnerisa pilersarusiornerat pillugu Namminersornerullutik Oqartussat nalunaarutaat nr. 4, 5. marsi 2003-meersoq

Ilanngussaq

1. Nuummi atuarfinnut atuangiffeqarnissamut pilersaarut 2026/2027
2. Qeqertarsuatsiaat Atuarfiat pillugu atuangiffeqarnissamut pilersaarut 2026/2027
3. Kapisillit Atuarfiat pillugu atuangiffeqarnissamut pilersaarut 2026/2027
4. Atuarfik Tuiisaaq pillugu atuangiffeqarnissamut pilersaarut 2026/2027
5. Arsuup Atuarfia pillugu atuangiffeqarnissamut pilersaarut 2026/2027
6. Tasiilami Alivarpi pillugu atuangiffeqarnissamut pilersaarut 2026/2027
7. Kuummiini Alivarpi pillugu atuangiffeqarnissamut pilersaarut 2026/2027
8. Kulusumi Alivarpi pillugu atuangiffeqarnissamut pilersaarut 2026/2027
9. Tiilerilaap Alivarpia pillugu atuangiffeqarnissamut pilersaarut 2026/2027
10. Isertup Alivarpia pillugu atuangiffeqarnissamut pilersaarut 2026/2027
11. Sermiligaap Alivarpia pillugu atuangiffeqarnissamut pilersaarut 2026/2027
12. Ejnar Mikkelsenila Aluarpia pillugu atuangiffeqarnissamut pilersaarut 2026/2027

Punkt 11: Tasiilami naluttarfik

Beslutning

Innuttaasumit siunnersuut Ingerlatsivimmi sukumiinerusumik misissugassanngorlugu aamma Aningaasaqarnermut Inuussutissarsiornermullu Ataatsimiititami suliareqqitassanngorlugu ingerlateqqinneqarpoq.

Bilag

Meeqqanut Atuarfeqarnermullu Ingerlatsivimmit Oqaaseqaat

Tasiilami naluttarfik

Innuttaasumit siunnersuut

Aalajangiiffigisassaq

SagsID.: EMN-2025-01477

Pisortaqatigiit Allatseqarfiat – kommunaldirektøri Ole Jakobsen / OJAK

Innersuussut

Suliffeqarfiup iluani Kiffartuussivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. innuttaasumit siunnersuut oqaluuserineqassasoq suliallu ingerlariaqqinnissaa aalajangiiffigineqassasoq, tassunga ilanngullugu suliaq Aningaasaqarnermut Inuussutissarsiornermullu Ataatsimiititamut ingerlateqqinneqassanersoq

Suliassamik saqqummiussineq

Sumiiffinnut Nuup avataaniittunut tunngasunik innuttaasut siunnersuutaat pineqartillugit, siunnersuutip oqaluuserisassangortinneqarnissaanut taamaallaat taasinerit 50-it pisariaqartinneqarput. Tamanna Kommunalbestyrelsimit aalajangiiffigineqarpoq, kommunalbestyrelse maajip ulluisa 23-anni ataatsimiimmat. Innuttaasumit siunnersuut ”Tasiilami naluttarfik” 50-it sinnerlugit taaneqarsimammat politikikkut suliarineqartussanngorpoq. Innuttaasumit siunnersuut ima allassimavoq:

Tasiilami naluttarfik

Tasiilami naluttarfimmik pissarsinissaq pillugu qinikkat oqaluuserinninnissaat piffissanngorsoraara. Illoqarfik arriitsuarsuarmik ineriartorpoq, pitsaaliuinermilu suliaqarneq pinngitsoorneqarsinnaanngilaq.

Innuttaasut qisuariaateqarnissaat piffissaasoraara, aamma politikerit qineqqusaartartut sammisaq pillugu qineqqusaartarmata.

Tasiilami pitsaaliuinermik suliaqartut assut nersualaagassaapput, suliaammi oqimaassaqqisoq qularnanngilaq. Sumiiffimmik pissarsinnaagaanni, soorlu naluttarfimmik, innuttaasunit tamanit orninneqarsinnaasumik pitsaaliuinermit suliaqartut ilungersuutaat oqiliallassinnaapput.

Ingerlatsivimmit aningaasatigut sulisoqarnikkullu naliliinerit

Inaarutaasumik aalajangiisoqartinnagu aningaasaqarnikkut sulisoqarnikkullu aningaasartuutissat annertunerusumik ersarissarneqartariaqarput.

Missingersuusionermit Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Innuttaasunik peqataatitsineri periusissaq

Ilanngussat

1. Meeqqanut Atuarfeqarnermullu Ingerlatsivimmit Oqaaseqaat

Punkt 12: Sunngiffimmi klubbinut immikkoortumut pilersaarut

Beslutning

Inassuteqaat akuersissutigineqarpoq.

Bilag

Sunngiffimmi klubbinut immikkoortumut pilersaarut



Sunngiffimmi klubbinut immikkoortumut pilersaarut

Aalajangiiffigisassaq

SagsID.: EMN-2023-03197

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. sunngiffimmi sammisassaqtitsivinnut immikkoortumut pilersaarutitut missingiut akuerineqassasoq
2. suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Kommuneqarfik Sermersuumi 9-21-nut ukiulinnut sunngiffimmi klubbinut immikkoortumut pilersaarummut siunnersuut Meeqqanut Atuarfeqarnermullu Ingerlatsivimmit suliarineqarpoq. Sunngiffimmi suliassaqrifiup siunissami ineriartortinnissaanut ataatsimut pilersaarusiornissamut aqutsinissamullu sakkussatut kiisalu kommune tamakkerlugu pingaarnersiuiernerut, pitsaassutsimut siunnerfeqarnermullu ataatsimut periusissiamik pilersitsinissamut immikkoortumut pilersaarut atorneqassasoq siunertaavoq.

Sunngiffimmi klubbit meeqqanut inuusuttunullu perorsaanikkut ineriartuutaasumik pitsaaliuinermillu atuuffeqarnerulernissaat siunertaralugu immikkoortumut pilersaarut suliarineqarpoq, suleqatigiinnissamullu isumaqatigiissut kiisalu ataatsimiititap immikkut ittumik sammisaaqarneranit siunnersuutinik tunngaveqarluni.

Meeqqat atugarissaarnerulernissaannut, tatitunerulernissaannut aamma ataatsimut, pitsaaliuisutut tamakkiisutullu suliniut aqutugalugu ilinniarnissamut tunngaveqarnermut suleqatigiinnissamut isumaqatigiissummi anguniakkanut immikkoortumut pilersaarut tapertaassaaq. Siunnerfilimmik ineriartortitsinissamut suliniutit aqutugalugit, meeqqat inuusuttullu sunngiffimmi klubbiniittarnerisa pitsaassusaasa pitsanngorsarnissaat, atugarissaarnerulernissaat ataatsimoorluarnerulernissaallu kiisalu atuarfiup angerlarsimaffiullu avataanni meeqqat inuusuttullu ulluinnarni ataqatigiinnerusumik suliniuteqarfignerulernissaat immikkoortumut pilersaarut siunertaqarpoq.

Qulaajaanikuunerit, suliffiup iluani misilittakkat kiisalu atuisunik peqataatitsinerit tunngavigalugit suliassaqriffimmi ineriartortitsineq aaqqissuussaaneruseq ataatsimoorfiuneruseq pisariaqartinneqartoq paasinarsivoq. Ilaatigut aaqqissuussani assigiinngitsuni, sammisassatut neqeroorutini, illut atorneqartuni inini, sulisut piginnaasaanni aamma allanik suleqateqarnerni pisariaqartitsinerit piupput.

Peqataanik meeqqat inuusuttullu siunnerfilimmik kinaassutsimik ineriartortitsiffiunissaat, kulturimik paasinnittaasaat klubbeqarnikkullu neqeroorutini peqataanissaat pisariaqartinneqartoq takuneqarsinnaavoq. Suliassaqriffinnitaaq assigiinngitsuni digitalinngorsaaneq ineriartortitsiffiusussatut allaqqavoq, ilaatigut attaveqaqatigiinneq, sammisassatut paasissutissiissutigisarnissaat aammalu digitalikkut atortut sunngiffimmi klubbinit perorsaanikkut sulinerup ilaattut atornissaat eqqarsaatigalugit.

Tamakkua tunngavigalugit sunngiffimmi klubbit siunissami ineriartortinneqarnissaannut pingaarnertut ukkataqarfissat arlallit Meeqqanut Atuarfeqarnermullu Ingerlatsivimmiit aalajangiunneqarput. Ukkataqarfissat tassaapput perorsaanikkut sulinermit pitsaassuseq, sulisut piginnaasaat aamma sulinermit atukkat, atuisut akornanni peqqinnissaq atugarissaarnerlu, illuni



atukkani init kiisalu ingerlatsiviit allallu attuumassuteqartut suleqatiginerinut tunngasut. Ukkataqarfinnut tamanut immikkut suliniutit attuumassuteqartinneqarput, taakkulu ukiuni arlalinni sunngiffimmi klubbini aqutsisut sulisullu suleqatigalugit atuutilersinneqassapput.

Immikkoortumut pilersaarutip atuutilersinneqarnissaanut, matumani ataqatigiissaarineq, malinnaaffiginninneq kiisalu ineriartortitsinermik sulinerup ataavartumik nakkutigineqarnera nalilersuiffigineralu ilanngullugit, Meeqqanut Atuarfeqarnermullu Ingerlatsivimmiit pingaarnertut akisussaaffigineqarpoq.

Erseqqissaatigineqassaaq sunngiffimmi klubbinit suliassaqarfimmi piffissami sivilunerusumi ineriartortitsinermut iliuusissatullu pilersaarusionermut sulinermi immikkoortumut pilersaarut aallaqqaasiutitut alloriarnertut isigineqassammat. Kingusinnerusukku iliuusissatut pilersaarusionerit sulisutigut aningaasaqarnikkullu kingunerisassaannik naliliinissamut eqqoqqissaartumik tunngaviliissasut, matumani aningaasaqarneq sulisutigullu pisariaqartitsineq ilanngullugit, immikkoortumut pilersaarummi suliniutip aallartisarneranut atatillugu takussutissiissasut Meeqqanut Atuarfeqarnermullu Ingerlatsivimmiit naatsorsuutigineqarpoq.

Ingerlatsivimmit aningaasatigut sulisoqarnikkullu naliliinerit

Immikkoortumut pilersaarummi pingaarnertut siunertat suliniutillu aalajangersarneqarput immikkullu aningaasartuuteqarnerunissamik nassataqartitsigatik. Aningaasaqarnikkut kinguneqartoqassappat, suliniutinut aalajangersimasunut, missingersuutininik pingaarnersiutinut kiisalu sanaartornermut ineriartortitsinermullu pilersaaruteqartoqassappat immikkut suliarineqarumaarput.

Missingersuusionermut Naatsorsuusionermullu Immikkoortortamit aningaasatigut nalililineq

Suliffeqarfimmut Kiffartuussivimmit piumasarineqarpoq, aningaasaqarnikkut sulisoqarnikkullu pisariaqartissinnaasat 2026-mut missingersuutissatut siunnersuutinut ilanngunneqassasut, taamaalilluni politikikkut suliarineqarlutillu pingaarnersiutinut ilanngunneqarniassammata.

Inatsisitigut tunngavissaq allakkallu tunngaviusumik uppersaatiillit

- Kulturikkut ingerlatsineq sunngiffimmi sammisassaqaqtitsineq pillugit Inatsisartut inatsisaat nr. 5, 6. juuni 2016-imeersoq

Ilanngussat

1. Sunngiffimmi klubbinit immikkoortumut pilersaarut

Punkt 13: Kommuneqarfik Sermersuumi siunissami immikkut ittumik atuartitsineq pillugu periusissiaq

Beslutning

Inassuteqaat akuersissutigineqarpoq.

Bilag

Immikkut ittumik atuartitsisarneq pillugu suliassaqarfimmik misissueqqissaarneq

Immikkut atuartitsinermik suliaqarfimmut periusissiaq



Kommuneqarfik Sermersuumi siunissami immikkut ittumik atuartitsineq pillugu periusissiaq

Misissueqqissaarneq periusissiornerlu

Aalajangiiffigisassaq

SagsID.: EMN-2025-03404

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaatit

Meeqqanut Atuarfeqarnermullu Ingerlatsivimmit Meeqqanut Ilaqtariinnut Atuartitaanermullu Ataatsimiititamut inassuteqaatigineqarpoq:

1. Immikkut ittumik atuartitsinerlut suliassa qarfirmut periusissiaq Misissueqqissaarnerlu akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq.

Suliassamik saqqummiussineq

Ukiuni kingullerni Kommuneqarfik Sermersuumi immikkut ittumik atuartitsinerlut suliassa qarfirmi suliniutit annertusisamik pitsanngorsaaffigineqarnissaannut pisariaqartitsineq annertusiartorsimasoq misigineqarpoq. Meeqqanut immikkut ittumik pisariaqartitsisunut suliniuteqartoqarnissaannut suliniutit pitsaassusaat patajaallisarniarlugit aammalu ataqatigiinnerusumik, piujuartussamik peqataatitsisumillu suliniuteqarnerunissaq pillugu Meeqqanut Atuarfeqarnermullu Ingerlatsivimmit suliassa qarfirmi ineriartortitsinerlut sinaakkutassamik ataatsimoortumik najoqqutassiisussamik periusissiorloqarpoq.

Suliaqarnermi kommunimi Meeqqanik isiginnittaaseq, Inuit innarluutillit pillugit politikki, Suleqatigiinnissamut isumaqatigiissut 2023-2025 kiisalu 2024-mut Missingersuutinut isumaqatigiissummi anguniakkat tunngavigineqarput.

Periusissiaq suliarineqannginnerani Kommuneqarfik Sermersuumi suliassa qarfirmi killiffik, unammilligassat ineriartornerlu, tassunga ilanngullugit atuartut amerlassusaat, tiguneqarsinnaasut aamma sulisoqarnikkut aningaasaqarnikkullu atuinerit pillugit ataatsimut takussutissiisumik misissuinermik suliaqartoqarpoq. 2025–2032-mut periusissiami siusissuklut iliuuseqartarneq aamma assigiinngitsut akornanni suleqatigiittarneq ukkataralugit immikkut ittumik perorsaanikkut suliniutit patajaannerunissaannut peqataatitsisoqarnerunissaannullu takorluukkat, anguniakkat aamma suliniuteqarfissat aalajangersarneqarput.

Periusissiaq pillugu tusarniaasoqareerlunilu oqaaseqaatit pisariaqartinneqartut inaarutaasumik suliami ilanngunneqarput, taannalu maanna politikikkut akuerisassanngorlugu saqqummiunneqarpoq. Periusissiaq atuarfeqarnermut immikkoortumut pilersaarutip ilaanut ilanngunneqassaaq, taannalu 2026-p aallartinnerani aallartinneqassaaq.

Ingerlatsivimmit Kommuneqarfik Sermersuumi immikkut ittumik atuartitsinerlut suliassa qarfirmi ineriartortitsinissamut misissueqqissaarneq periusissiarlu ataatsimoorlutik patajaatsumik siumullu isigisumik toqqammavissiisut nalilerneqarpoq.

Periusissiami siusissuklut iliuuseqarnissamut, suliassa qarfiit assigiinngitsut akornanni suleqatigiinneq aamma peqataatitsisumik ilikkariaqarfiusartut pillugit ersarissumik aqutissiuunneqarlutillu kommunimi piujuartitsisumik ataatsimoorluni ilikkariartorfiusinnaasut aamma meeqqat immikkut suliniuteqartoqarnissaannut pisariaqartitsisunut atugarissaarneq pitsaanerusoq pillugit politikikkut anguniarneqartut taperserneqarput.



Ingerlatsivimmit aningaasatigut sulisoqarnikkullu naliliinerit

Ingerlatsivimmit periusissiaq aningaasaqarnikkut killiliussat iluini piviusunngortinneqarsinnaasoq siunissarlu ungasinnerusoq eqqarsaatigalugu suliaasaqarfimmi suliaasat naammassineqartarneri ajornannginnerulernissaannut anguniakkamullu sulisutigut aningaasaqarnikkullu atuisarneq pitsaanerulissasoq nalilerneqarpoq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiit

- Atuarfik pillugu Inatsisartut inatsisaat pillugu Namminersorlutik Oqartussat nalunaarutaat nr. 19, 27. aprili 2023-meersoq
- Meeqqat atuarianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 8. decembari 2017-imeersoq
- Inuit innarluutillit tapersorsorneqarnissaanut Inatsisartut inatsisaat nr. 13, 12. juuni 2019-meersoq
- Kommuneqarfik Sermersuumi Inuit innarluutillit pillugit Politikki
- Kommuneqarfik Sermersuumi Meeqqanik isiginnittaaseq
- 2023 - 2025-mut Suleqatigiinnissamik isumaqatigiissut
- Missingersuutinut isumaqatigiissut 2024

Ilangussat

1. Immikkut ittumik atuartitsisarneq pillugu suliaasaqarfimmik misissueqqissaarneq
2. Immikkut atuartitsinermik suliaqarfimmut periusissiaq

Punkt 14: Atuarfiup nutaap immikkoortortaalu marluk atissaannik unammisitsineq

Beslutning

Inassuteqaat 1 - Ataatsimiititamit Atuarfik Ilasiaq toqqarneqarpoq

Inassuteqaat 2 - Ataatsimiititamit Aappaluttoq aamma Tungujortoq toqqarneqarpoq

Bilag

Atuarfiup nutaap atissaannik unammisitsineq

Atuarfiup nutaap immikkoortortalu marluk atissaannik unammisitsineq

Aalajangiiffigisassaq

SagsID.: EMN-2025-03826

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqtariinnut Atuartitaanermullu Ataatsimiititamut inassuteqaatigineqarpoq:

1. ataatsimiititamit atissatut siunnersuutini ataaseq toqqarneqassasoq
2. ataatsimiititamit immikkoortortanut marlunnut aqqit toqqarneqassasut

Suliassamik saqqummiussineq

2025-mi septembarip qaammataani Meeqqanut Atuarfeqarnermullu Ingerlatsivimmit Nuummi "Ulloq naallugu atuarfik"-mut atsiinissamut unammisitsisoqarpoq. Atuarfimmi angajoqqaat/meeqqat sulisullu atsiinissamut siunnersuuteqarsinnaapput.

Ulloq naallugu atuarfimmit meeqqanut immikkut pisariaqartitsisunut atuartitsinermik sunngiffimilu neqeroorut neqeroorutigineqartarput. Atuarfik Atuarfik Samuel Kleinschmidtimi (illu aappaluttoq) immikkoortortaqrpoq aamma Nuussuup Atuarfiani (illu tungujortoq) immikkoortortaqrpoq. Atuarfiup atissaanut kalaallisut allaqqanissaa atuarfiullu siunertaanut atuartunullu ersersitsisuunissaa piumasaqaataapput. Taamatuttaaq immikkoortortaqrfiit marluk qalipaataat, inissisimaffii imaluunniit allatut ilisarnaataat ersarissut aallaavigalugit atserneqassapput.

Atissatut siunnersuutit arlallit, tamarmik unammisitsinermut piumasaqaataasunut tamanut naammassinnittut, tiguneqarput. Siunnersuutit ineriartornermut, tapersersuinermit, ataatsimoornermut, pinngortitamut atuartunullu immikkut ittumik pisariaqartitsisunut ersarissumik kinaassutsimut atasunik ilisarnaateqarput.

Meeqqanut Atuarfeqarnermullu Ingerlatsivimmit siunnersuutit suliatigut nalilersorneqarlutillu tamarmik politikkikkut oqaluuserineqarnissaat aalajangiiffigineqarnissaallu inassuteqaatigineqarput.

Atissatut siunnersuutit, isumaat immikkoortortallu atissaattut siunnersuutit takkutut tamaasa ataatsimut misissorneri llanngussami 1-imi allassimapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Atuarfiup nutaap atserneqarnissaa pillugu atermik unammisitsineq

llanngussaq

1. Atuarfiup nutaap atissaannik unammisitsineq

Punkt 15: Lukket

Punkt 16: Lukket

Punkt 17: Lukket

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 17.14

